



“МЕРЕКС” ХК-ИЙН 2022 ОНЫ ХАГАС ЖИЛИЙН ҮЙЛ АЖИЛЛАГААНЫ ТАЙЛАН

Компанийн танилцуулга

“Мерекс” ХК нь 2012 онд Улаанбаатар хотод үүсгэн байгуулагдаж, 2014 оны 8 сард үйлдвэрээ бүрэн угсарч дууссан бөгөөд 2015 оноос бетон зуурмагийн үйлдвэрлэлээ албан ёсоор эхлүүлсэн. Компани нь барилгын материал үйлдвэрлэлийн зах зээлд өрсөлдөх, улмаар бүтээгдэхүүний чанар, үйлдвэрлэлийн хэмжээгээр Монгол Улсад тэргүүлэгч бетон зуурмагийн үйлдвэрлэгч болох зорилготой.

Санхүүгийн зохицуулах хороо нь 2013 оны 12-р сард “Мерекс” ХХК-ийн нийтэд санал болгон худалдах үнэт цаасыг бүртгэх хүсэлтийг хэлэлцэж, 514 дүгээр тогтоолоор баталж, 2014 оны 1-р сард Монголын хөрөнгийн бирж компанийн үнэт цаасыг бүртгэж авснаар “Мерекс” хувьцаат компани болсон.

Манай үйлдвэр нь цагт 150 м³ бетон зуурмаг үйлдвэрлэх хүчин чадалтай, TW-2500 маркын дэвшилтэд төхөөрөмж бүхий БНСУ-д үйлдвэрлэгдсэн автоматжуулсан бетон зуурмагийн үйлдвэр юм. Мерекс бетон зуурмагийн үйлдвэр нь орон сууцны барилга, зам, нисэхийн зурвас болон бусад бүтээн байгуулалт, барилгажилтанд ашиглагдах MNS206-EN2017 стандартыг хангасан M100-M500 хүртэлх маркын бетон зуурмагийг үйлдвэрлэнэ.

Алсдаа бетон зуурмаг үйлдвэрлэж түгээхээс гадна нэмүү өртөг шингэсэн бетон хийцийн үйлдвэрлэлийг цогцоор нь хөгжүүлэх зорилготой ба өөрөө өөрийгөө түүхийэдээр хангах стратегийг баримтлан ажиллаж байна.

БЕТОН ЗУУРМАГИЙН ҮЙЛДВЭРЛЭЛ ЯВУУЛАХ ҮЗҮҮЛЭЛТ ХУГАЦАА

ҮЙЛДВЭРЛЭЛИЙН ХҮЧИН ЧАДАЛ	Жилд	252,000 м ³
	Сард	36,000 м ³
	Ээлжинд	1,200 м ³
	Цагт	150 м ³

Үйлдвэрлэл, борлуулалт

2014-2021 оны хооронд М.Мөнхзолбоо гүйцэтгэх захирал удирдан үйл ажиллагаа эрхэлж байсан бөгөөд 2016 он хүртэл үйлдвэрийн үйл ажиллагаа хэвийг үргэлжилж байсан ба 2016 оноос хойш 2021 он хүртэл компанийн үйл ажиллагаанд санхүү болон ковидын улмаас үйл ажиллагаа зогсонги байдалд орсон бөгөөд 2019-2021 онд бетон зуурмаг үйлдвэрлээгүй, борлуулалт хийгээгүй болно.

2021 оны 03-р сарын 15-ны өдөр ТУЗ-ийн тогтоолоор М.Мөнхзолбоог үүрэгт ажлаас нь чөлөөлж Гүйцэтгэх захирлын үүргийг түр орлон гүйцэтгэгчээр Г.Манлайбаярыг томилсон. Г.Манлайбаяр нь томилогдсоноос хойш үйлдвэрийн үйл ажиллагааг үргэлжлүүлэн нийт 589,094,749,09 төгрөгийн борлуулалт хийсэн байна.

Компанийн засаглал, ил тод байдлыг сайжруулах

Сайн засаглал бүхий компани болох зорилтын хүрээнд дараах ажлуудыг хийж гүйцэтгэхээр төлөвлөөд байна. Үүнд:

Компанийн өөрийн вэб сайт болон Монголын Хөрөнгийн Бирж, КЗҮЗөвлөл-ийн компанийн засаглалын портал сайт www.governance.mn вэб сайтуудыг ашиглан хувьцаа эзэмшигчид, олон нийтэд мэдээлэл тогтмол хүргэх

СХЗ-ны Үнэт цаас гаргагчийн мэдээллийн ил тод байдлын тухай журмын дагуу Компанийн үйл ажиллагаа, борлуулалттай холбоотой томоохон гэрээ хэлцлийн талаар мэдээллийг тухай бүр олон нийтийн мэдээллийн хэрэгсэл болон зохицуулах байгууллагад хүргүүлэн ажиллана.

Хүний нөөцийн байдал, сургалт хөгжил

2022 онд барилгын ажилын улирал буюу 4-11 сард 20-30 хүний бүрэлдэхүүнтэй, барилга зогссон үед 1-3, 12-р сард 4-8 хүний бүрэлдэхүүнтэй ажиллана.

2022 онд үйлдвэрийн үйл ажиллагааны чиглэлд тохируулан ажилтан албан тушаалтны тоог нэмэх мөн зарим шаардлагатай ажилчдыг мэргэжил дээшлүүлэх болон дадлагажуулан сурган авах, мэргэшүүлэх, хүний хөгжлийн сургалт семинар, эмнэлэгийн үзлэг зэрэгт хамруулахаар төлөвлөн ажиллаж байна.

Хувьцаа эзэмшигчдийн хурлын үйл ажиллагаа

Компанийн удирдлага өөрчлөгдсөн үйл ажиллагааны чиглэл болон өөрийн ажлыг өмнөх гүйцэтгэх захирлаас бүрэн хүлээж аваагүй шалтгаанаас үүдэн Хувьцаа эзэмшигчдийн хурлыг цаг тухайд нь хуралдуулаагүй бөгөөд энэ оны 06-р сарын 13-ны өдөр Хувьцаа эзэмшигчдийн ээлжит бус хурлыг хийхээр төлөвлөн зарлаад байна.

Төлөөлөн Удирдах Зөвлөлийн үйл ажиллагаа

“Мерекс” ХК-ийн Төлөөлөн удирдах зөвлөл нь өнгөрсөн тайлант хугацаанд компанийн үйлдвэрлэл, удирдлага зохион байгуулалт санхүү, төлөвлөлтийн асуудлаар зайлшгүй шийдвэл зохих асуудлуудыг хэлэлцэж, холбогдох шийдвэр гаргаж ажиллаагүй бөгөөд Хувьцаа эзэмшигчдийн ээлжит бус хурлаар Төлөөлөн удирдах зөвлөлийн гишүүдийг шинээр томилон ажиллах болно.

Нийгмийн хариуцлага, ажилчдын эрүүл мэндийг хамгаалах чиглэлээр

Үйлдвэрийн тоосжилт болон үйлдвэрийн явцад хэрэглэгддэг бодис, материалаас шалтгаалан үүсч болох сөрөг нөлөөг бууруулах зорилгоор ажилтнуудыг хордлого тайлах бүтээгдэхүүнээр ханган ажиллана.

Хөдөлмөрийн аюулгүй байдлыг хангах, хөдөлмөрийн сахилга батыг бэхжүүлэх зорилгоор журмын талаар мэдлэг ойлголтыг сайжруулах сургалт, хөтөлбөрийг хэрэгжүүлэн ажиллаж байна.

